

Inatsisartut suleriaasianni § 37 naapertorlugu matumuuna Naalakkersuisunut imaattunik apeqqu-teqaatinik saqqummiussivunga:

**Naalakkersuisunut apeqqufit:**

- 1) Kalaallit Nunaanni inunngorsimasut inuit qassit inuussutissarsiutitigut ilinniagaqarneq naammassisimavaat (Inuussutissarsiummik ilinniagalik, qaffasinnerusumik ilinniagalik il.il.) ukiut tamaasa 1979 – 2015 –aamma suut ilinniagaqarfii?
- 2) Inuit qassit ukiut tamaasa Danmarkimut ilinniariartortarpat piffissami 1979 – 2015 –aamma suni ilinniarfinni ilinniagaqartuuppat?
- 3) Inuussutissarsiutitigut ilinniagaqarsimasut inuit qassit (inuussutissarsiummik ilinniagallit, qaffasinnerusumik ilinniagallit il.il.) suliffeqanngillat ukiut tamaasa piffissami 1979-2015?
- 4) Tikisitanik sulisoqarnerup ingerlanera qanoq ippa (inuit, sulisorineqartut kalaallinik taaneqarsinnaanngitsut taakkununngaluunniit naligiisinneqarsinnaasut) piffissami 1979-2015? Tamatumalu saniatigut tikisitat sulisorineqartut agguaqatigiissillugu qassinik ukioqarpat?
- 5) Tikisitat agguaqatigiissillugu qanoq sivilutisumik atorfeqartinneqartarpat (inuit, sulisorineqartut kalaallinik taaneqarsinnaanngitsut taakkununngaluunniit naligiisinneqarsinnaasut) piffissami 1979-2015? Namminersorlutik oqartussat qitiusumik allaffeqarfissuanni aamma pisortat allaffissornikkut ingerlatsiviini tamani?
- 6) Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersup § 2 -ata malitsigisaanik nunatta avataaneersunik aningaasarsiaqartitsiviusumik sulisoqarneq qanoq annertutigaa? Imaluunniit ukiut tamaasa nunatta avataaneersut qassit sulisorineqartarpat piffissami 1979-2015?
- 7) Naalakkersuisut Kommunalbestyrelsellu qanoq ilillutik qularnaartarpat kalaallit nunaannut suliffissarsiortut killilersimaarnissaat pillugu inatsisip atuutsinneqarnissaa aammalu pisortani attuumassuteqartumik oqartussaasunut paasissutissat aaneqarnissaat? Aamma Namminersorlutik oqartussat Kommunalbestyrelsellu avataaniit sulisoqarnissamik qinnuteqaatinik qasseriartut itigartitsippat? Immaqa 0-lup pissaaniippoq, taamaappat inatsit sunnuteqarsimanngilaq.
- 8) Nunatsinni najugaqavissut nunatsinni inunngorsimasut inuit qassit Danmarkimut nuusimappat piffissami 1979-2015?

- 9) Oqaaseqatigiit qanoq ittut, piumasaqaatit tunngavilersuutillu qanoq ittut atuutsinneqarpat Namminersorlutik oqartussat HR-periusissiaanni /sulisoqarnermut politikkianni /atorfinititsisarnermut politikkianni kalaallit oqaasii eqqarsaatigalugit, kiisalu kulturip ilisimasaqarfiginissaa iserfigisinnaanissaalu aamma nunami pissusaasut? Sulisussarsiorluni nittarsaassinermi piumasaqaatit naliginnaasumik qanoq oqaasertalersorneqartarpat? sulisussarsiorluni nittarsaassinermi oqaatsitsigut piginnaasaqarnissamik piumasaqaatit, ilanngullugit kulturimik nunallu pissusaanik ilisimaarinninnissamik piumasaqaatit allassimasarpat?
- 10) Namminersorlutik oqartussat aktiaateqarluni ingerlatseqatigiiffiutaanni siulersuisunut ilaasortat qassiuppat, taakkunanngalu tamarmiusut katinnerannit qassit nunatsinni najugaqavissuuppat?

(Suka K Frederilsen, Siumut)

### **Tunngavilersuut**

Namminersornerunerup eqqunneqarneraniilli Namminersorneriup eqqunneqarnerani allannguif-fiunngitsumik pisortat allaffissornikkut ingerlatsinerminni qallunaanik qaffasinnerusumik ilinniagalinnik tikisitanik sulisoqarnissamik pinngitsoorsinnaajunnaarsimapput – sulilu taamaallutik – qallunaanik qaffasinnerusumik ilinniagalinnik tikisitanik pinngitsuuisinnaajunnaaqqallutik. Qallunaat atorfillit ukiumininnguaannarni nunatsinniittarput, tamannalu patajaassuseerunnermik, sulisoqaannarnissamut ataqatigiiaarisinnaajunnaarnermik, pinginnaasanik qaffassaanissamik, ilisimasanik misilittakkanillu katersuinernik tunniussaqaarneq ajorpoq.

Atorfillit tikisitat danskiusut ilisimasatik misilittakkatillu suliainnik ilusilersuinerminni ingerlatsinerminnilu atortarpaat, tamakkualu kalaallit Nunaanni pissusiviusunut naleqquttuaanartuuneq ajorput. Minnerunngitsumillu oqaatsit atungaasut, ataaveqatigiinnikkut assertajaarisuinnaratik aamma ingerlatsinermut akitsorsaataasartorujussupput, suliaammi tamarmik nutserneqartussaasarmata.

Namminersorlutik oqartussat naalakkersuisoqarfiini aamma aqutsisoqarfinni tikisitanik sulisoqartarnerup aamma kingunerisarpaa pinnaasanik-, ilisimasanik- misilittakkanillu katersuinngitsoortoqarnera, atorfimmiiginnarani aamma nunangisamut tunngavissieqataannngitsoortoqarnera.

Kiisalu ilinniarsimannngitsunik avataaniit sulisoqarnissamik akuersissutit amerliartuinnarsimapput naak maani najugaqavissut ilinniarsimannngitsut suliffissaleqisut aamma amerliartuinnarsimagaluartut.

Kissaatigaara apeqqutima ullut qulit qaangiutsinnagit akineqarnissaat.

Suka K Frederiksen, Siumut